



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSJEDNIKA I POTPREDSJEDNIKA

Broj: 01-4-03-50-584/21

Sarajevo:20.05.2021. godine

VIJEĆE MINISTARA BOSNE I HERCEGOVINE

N/R g-din. Zoran Tegeltija, predsjedavajući

DIREKCIJA ZA EVROPSKE INTEGRACIJE BiH

N/r g-din. Edin Dilberović, direktor,

MINISTARSTVO VANJSKIH POSLOVA BiH

N/r gđa. Bisera Turković, ministrica

MINISTARSTVO VANJSKE TRGOVINE I EKONOMSKIH ODNOSA BiH

N/r g-din Staša Košarac, ministar

MINISTARSTVO PROMETA I KOMUNIKACIJA BiH

N/r g-din. Vojn Mitrović, ministar

MINISTARSTVO SIGURNOSTI BiH

N/r g-din. Selmo Cikotić, ministar

**KOMISIJA ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE DOMA NARODA PSBiH**

N/r g-din. Amir Fazlić, predsjednik

PREDMET: Inicijativa za žurno reagiranje i djelovanje, - dostavlja se.

Poštovani,

Ministarstvo mora, prometa i infrastrukture Republike Hrvatske, utvrdilo je Pravilnik o određivanju javnih cesta po kojima se mora odvijati tranzitni promet teretnih vozila kroz Republiku Hrvatsku (Narodne novine br. 51/2021 od 12.05.2021.godine) i isti stupa na snagu osmog dana od dana objave u Narodnim novinama, čime prestaje da važi raniji pravilnik iz 2008.godine. Novim pravilnikom, određene su ceste po kojima se mora odvijati tranzitni promet teretnih vozila iznad 7,5 tona nosivosti i ukupne dužine do 14 m, te je naloženo uklanjanje prometnih znakova, signalizacije i opreme na cestovnim pravcima koji prestaju predstavljati tranzitne koridore.

Međutim, predmetnim pravilnikom propušteno je utvrđivanje javnih cesta koje vode do i od pojedinih graničnih prijelaza između Bosne i Hercegovine i Republike Hrvatske koji su definirani kao granični prijelazi za međunarodni cestovni prijevoz roba, temeljem Ugovora između Bosne i Hercegovine i Republike Hrvatske o

graničnim prijelazima (Službeni glasnik Bosne i Hercegovine – međunarodni ugovori br. 23/13 od 26.12.2013.godine), a radi se o sljedećim graničnim prijelazima:

1. Ivanica – Gornji Brat,
2. Velika Kladuša – Maljevac,
3. Brčko – Gunja,
4. Strmica – Strmica,
5. Osoje – Vinjani Gornji

Na ovaj način, onemogućeno je korištenje ovdje navedenih graničnih prijelaza za tranzit roba iz Bosne i Hercegovine kroz Republiku Hrvatsku sa nizom negativnih posljedica na privredu značajnog dijela Bosne i Hercegovine, što ne samo da je u suprotnosti sa navedenim Ugovorom o graničnim prijelazima sa Republikom Hrvatskom, nego je i u suprotnosti sa odredbama Sporazuma o stabilizaciji i pridruživanju između Bosne i Hercegovine s jedne strane i Europske unije i njenih država članica, s druge strane – Protokol 3. o kopnenom prijevozu.

Ujedno Vas želim informirati da su uslijedile kako reakcije privrednika, tako i Vlade Unsko-Sanskog kantona, sa zahtjevima za rješavanje ovog pitanja sa Republikom Hrvatskom, koje može izazvati ogromne, negativne posljedice po privredu u Bosni i Hercegovini.

U vezi sa iznesenim, molimo za žurno reagiranje i djelovanje, kako bi se oklonili propusti u predmetnom propisu Republike Hrvatske i isti uskladili sa važećim Ugovorom o graničnim prijelazima i odredbama Sporazuma o stabilizaciji i pridruživanju između Bosne i Hercegovine i Europske unije i njenih država članica.

S poštovanjem,

PREDSJEDNIK

Ahmet Egrlić



Dostavljeno:

- Naslovu,
- a/a

